

四庫全書

集部

欽定四庫全書

漢魏六朝百三家集卷五十四

張協集

目錄

賦

洛禊賦

都蔗賦

安石榴賦

元武館賦

登北邙賦

銘

泰阿劍銘

文身刀銘

把刀銘

長鋏銘

短鋏銘

霜陌刀銘

手戟銘

七

七命

詩

詠史

雜詩

其二

其三

其四

其五

其六

其七

其八

其九

其十

雜詩

遊仙

漢魏六朝百三家集卷五十四目錄

欽定四庫全書

漢魏六朝百三家集卷五十四

明 張溥 輯

晉張協集

賦

洛禊賦

夫何三春之令月嘉天氣之氤氲和風穆以布暢百卉
曄而敷芬川流清泠以汪濊原隰蔥翠以龍鱗遊魚澗

潯於淶波元鳥鼓翼於高雲美節慶之動物悅羣生之
樂欣故新服之既成將袂除於水濱於是搢紳先生嘯
儔命友携朋接黨冠童八九主希孔孟賓慕顏柳臨涯
詠唵濯足揮手乃至都人士女奕奕祁祁車駕岬岵克
溢中遠粉葩翕習緣阿被湄振袖生風接衽成幃若夫
權威之家豪侈之族采騎躋鑣華輪方轂青蓋雲浮參
差相屬集乎長洲之浦曜乎洛川之曲遂乃停輿蕙渚
稅駕蘭田朱幔虹舒翠幕蜺連羅樽列爵周以長筵於

是布椒醕薦柔嘉祈休吉蠲百痼漱清源以滌穢兮攬
綠藻之纖柯浮素粧一作卯以蔽水灑元醪於中河

都蔗賦

若乃九秋良期

一作朝

元酎初出黃華浮觴酣飲累日挫

斯蔗而療渴共漱醴而含蜜清滋津於紫梨流液豐於
朱橘擇蘇妙而不逮何況沙棠與柳實

安石榴賦

攷艸木於方志覽華實於園疇窮陸產於苞貢嗟英奇

於石榴耀靈葩於三春綴霜滋於九秋爾乃飛龍啓節
揚颺扇埃舍和澤以滋生鬱敷萌以挺裁傾柯遠擢沉
根下盤繁莖篠密豐幹林攢揮長枝以揚綠披翠葉以
吐丹流暉俯散迴葩仰照爛若百枝並燃熾如烽燧俱
燎皦如朝日晃若籠燭晞絳綵於扶桑接朱光於若木
爾乃擷萼挺蒂金牙承蕤蔭佳人之玄髻發窈窕之素
姿游女一顧傾城無鹽化為南威於是天漢西流辰角
南傾芳寔壘落月滿虧虛爰採爰收乃剖乃坼內憐幽

以含紫外滴瀝以霞赤柔膚水潔凝光玉瑩漑如冰碎
泣若珠迸含清冷之溫潤信和神以理性

玄武館賦

爾乃地勢夷敞既膏且腴環以翠林帶以赤渠尋厥先
之攸基寔張氏之舊墟何魏后之周覽遂築館而起廬
既號玄武是曰石樓於是崇墉四匝豐厦詭譎爛若丹
霞皎如素雪璀璨皓旰華瑤四垂接棟連阿岬岬參差
朱戶青鋪幽闥秘閨於是高樓特起竦峙岌峩飛甍四

注上槩浮霄直亭亭以孤立迎千里之清飈陽靡南啓
陰軒北達春牖左開秋窓右豁仰眎雲根俯臨天末木
則楸梓夾路翁蔚如林洪幹十圍修之百尋闕

登北邙賦

陟巒邱之嶁岫升逶迤之修坂迴余車於峻嶺聊送目
於四遠靈嶽鬱以造天連崗一作岡巖以蹇產伊洛混而

東流帝居赫以崇顯山川汨其常兮萬物化而代轉何
天地之難窮悼人生之危淺歎白日之西頽兮哀世路

之多蹇於是徘徊絕嶺踟躕步趾前瞻狼山却闕大垓
東眺虎牢西睨熊耳邪亘天際旁極萬里莽眩眼以芒
昧諒羣形之難紀臨千仞而俯看似游身於雲霓撫長
風以延佇想凌天而舉翮瞻冠蓋之以一作悠悠覩商旅
之接枻爾乃地勢宏隆邱墟陂陀墳隴嶢嶷基布星羅
松林慘映以攢列玄木搜寥而振柯壯漢氏之所營望
五陵之嵬峩喪亂起而啓壤一作壞僮豎登而作歌

銘

泰阿劍銘

泰阿之劍世載

一作濟

其美淬以清波礪

一作斂

以越砥如

玉斯曜若影在水不運自肅率土從軌

文身刀銘

寶刀既成窮理盡妙繁文波迴流光電照

把刀銘

奕奕名金昆吾遺璞裁為把刀利亞切玉時文斯偃含
精內燭威助雖化武不可黷

長鉞銘

五才竝建金作明威長鉞陸離弭凶防違素刃霜厲溢
景橫飛

短鉞銘

器用多品詭制殊觀亦有短鉞清暉截爛昔在先朝戢
兵靜亂惟皇寶之優而弗玩

露陌刀銘

露陌在服威靈遠振遵養時晦曜德崇信

手戟銘

鈇鈇雄戟淬金鍊剛名配越戟用過千將嚴鋒勁秘摘

鐔耀芒

秘御覽
作校

七

七命

冲漠公子含華隱耀嘉遯龍蟠

文選
作盤

超

文選
作翫

世高蹈遊

心於浩然玩志乎衆妙絕景乎大荒之遐阻吞響乎幽

山之窮奧於是徇華大夫聞而造焉乃整

善本
作勅

雲輅驂

飛黃越奔沙輾流霜凌扶搖之風躡堅冰之津旌拂霄
場軌出蒼垠天清泠而無霞野曠朗而無塵臨重岫而
攬轡顧石室而迴輪遂適冲漠公子之所居其居也崢
嶸幽藹蕭瑟虛玄溟海渾濩涌其後嶰谷嶢嶢張其前
尋竹竦莖蔭其壑百籟羣鳴籠文選作聾其山衝飈發而迴
日飛礫起而麗一作濕天於是登絕巘遡長風陳辨惑之
辭命公子於巖中曰蓋聞聖人不卷道而背時智士不
遺身而匿跡生必耀華名於玉牒歿則勒洪伐於金冊

今公子違世陸沉避地獨竄有生之懽減資父之義廢
愁洽百年苦濫千歲何異促鱗之遊汀渚短羽之棲翳
蒼今將榮子以天人之大寶悅子以縱性之至娛窮地
而遊中天而居傾四海之歡彈九州之腴錯屈轂之瓠
解疏屬之拘子欲之乎公子曰大夫不遺來萃荒外雖
在不敏敬聽佳話

大夫曰寒山之桐出自太冥含黃鐘以吐幹據蒼岑而
孤生既乃瓊巘嶒峻金岸崑崙左當風谷右臨雲谿上

無凌虛之巢下無跼蹐之蹊搖剛峻挺茗邈嶢

文選嶢作茗

睇三春之溢露遡九秋之鳴飈雲

一作霧

雪寫其根霏霜

一作雲封其條木既繁而後綠艸未素而先凋於是構雲

梯陟崢嶸翦蕤賓之陽柯剖大呂之陰莖營匠斲其樸

伶倫均其聲器舉樂奏促調高張音朗號鐘韻清繞梁

追逸響於八風采奇律於歸昌啓中黃之妙

文選作少

宮發

蓐收之變商若乃龍火西頽暄氣初收飛霜迎節高風

送秋羈旅懷土之徒流宕百罹之儔

文選作疇

撫促柱則酸

鼻揮危弦則涕流若乃追清哇赴嚴節奏綠一作綠水吐

白雪激楚迴流風結悲蕤莢之朝落悼望舒之夕缺煢

嫠為之擗標孀老為之嗚咽王子拂纓而傾耳六馬噓

天而仰秣此蓋音曲之至妙子豈能從我而聽之乎公

子曰余病未能也

大夫曰蘭宮祕宇雕堂綺櫳雲屏爛汗一作汗瓊壁青蔥

應門八襲旋臺九重表以百常之闕圍以萬雉之墉爾

乃峽榭迎風秀出中天翠觀岑青彤文選作彤閣霞連長翼

臨陵

一作非

雲飛陞凌山望玉繩而結極承倒影而開軒楨

素炳煥粉拱嵯峨陰蚪負檐陽馬承阿錯以瑤英鏤以

金華方疏含秀圓井吐葩重殿疊起交綺對棐幽堂畫

密明室夜朗焦螟飛而生風尺蠖動而成響若乃目厭

常玩體倦帷幄携公子而雙遊時娛觀於林麓登翠阜

臨丹谷華艸錦繁飛采星燭陽葉春青陰條秋綠華實

代新承意恣觀

一作歡

仰折神籥俯採朝蘭逝惠風於蘅

薄卷椒塗於瑤壇爾乃浮三翼戲中沚潛鯢驚翰起

沈絲結飛螭理挂歸翮於赤霄之表出華鱗於紫潭

善本

作淵之裏然後縱櫂

五臣作棹

隨風弭楫乘波吟孤竹拊雲和

淵一作川

客唱淮南之曲榜人奏采菱之歌歌曰乘鳧

一作

鷁舟兮為水嬉臨芳洲兮拔雲芝樂以忘戚遊以卒時

窮夜為日畢歲為期此蓋宴居之浩麗子豈能從我而處之乎公子曰余病未能也

大夫曰若乃白商素節月既授衣天凝地閉風厲霜飛柔條夕勁密葉晨稀將因氣以效穀臨金郊而講師爾

乃列輕武整戎剛建雲髦啓雄芒駕紅陽之飛鷺駉唐

公之驕驕屯羽隊於外林縱輕翼於中荒爾乃張脩毘

布飛羅

一作羅

陵黃岑挂青巒畫長壑以為限帶流谿以

為關既乃內無䟽蹊外無漏跡叩鈺數

一作散

校舉麾旌

獲殼金機馳鳴鏑翦剛豪落勁翮車

一作連非

騎競驚駉武

齊轍翕忽揮霍雲迴風剗聲動響飛形移景發舉戈林

竦揮鋒電滅仰傾雲巢俯殫地穴乃有圖文之研

善作研

班題之縱

一作縱

鼓鬣風生怒目電睨口噉霜刃足撥飛

鋒甌林蹶石扣拔幽叢於是飛黃奮銳賁育一作石逞技

蹙封狶儻

一作擯
疑訛

馮豕拉麒麟挫獬廌白爪摧鋸牙捭

瀾漫狼藉傾榛倒壑殞齒挂山僵踣掩澤數為毛林隰
為丹薄於是撤圍頓罔卷旆收鳶虞人數獸林衡計鮮
論最犒勤息馬韜弦肴駟連鑣酒駕方軒千鍾電醕萬
燧星繁陵阜霑流膏谿谷厭芳烟歡極樂彈迴節而旋
此亦畋遊之壯觀子豈能從我而為之乎公子曰余病
未能也

大夫曰楚之陽劔歐冶所營邪谿之鋌赤山之精銷鑪

半頭鑊越鍛成乃鍊乃鑠萬辟千灌豐隆奮椎飛廉扇

炭神器化成陽文陰縵既乃

善本無既乃二字

流綺星連浮彩

艷發光如散電質如耀雪霜鋸水凝冰刃露潔形冠豪

曹名珍巨闕指鄭則三軍白首麾晉則千里流血豈徒

水截蛟龍

一作鴻

陸灑奔駟斷浮翮以為工絕重甲而稱

利云爾而已哉若其靈寶則舒辟無方奇鋒異模形震

薛燭光駭風胡價兼三鄉聲貴二都或馳名傾秦或夜

飛去吳是以功冠萬載威曜無窮揮之者無前擁之者
身雄可以從服九國橫制八戎爪牙景附函夏承風此
蓋希世之神兵子豈能從我而服之乎公子曰余病未
能也

大夫曰天驥之駿逸態超越稟氣靈淵受精皎月睥睨
黑照元絲紺發沫如揮紅汗如振血秦青不能識其衆
尺方堙不能覩其若滅爾乃巾雲軒踐朝霧赴春衢整
秋御蚪踊螭騰麟超龍翥望山載奔視林載赴氣盛怒

發星飛電駭志陵九州勢越四海影不及形塵不暇起
浮箭未移再踐千里爾乃踰天垠越地隔過汗漫之所
不遊躡章亥之所未跡陽烏為之頓羽夸父為之投策
斯蓋天下之僞乘子豈能從我而御之乎公子曰余病
未能也

大夫曰大梁之黍瓊山之禾唐稷播其根農帝嘗其華
爾乃六禽珠珍四膳異肴窮海之錯極陸之毛伊公饗
鼎庖丁一作子揮刀味重九沸和兼勺藥晨晞露鵠霜鷄

黃雀園按星亂方丈華錯封熊之蹠翰音之跖驚髀猩
脣髦殘象白靈淵之龜萊黃之鮐丹穴之鸚元豹之胎
燁以秋橙醑以春梅接以商王之箸承以帝辛之杯范
公之鱗出自九溪頰尾丹鰓紫翼青鬕爾乃命支離飛
雙鍰紅肌綺散素膚雪落婁子之毫文選作豪不能廁其細
秋蟬之翼不能擬其薄繁肴既闕亦有嘉一作寒羞商山
之果漢皋之榛一作榛析龍眼之房剖椰子之殼芳旨萬
選承意代奏乃有荆南烏程豫北竹葉浮蟻星沸飛華

并接玄石嘗其味儀氏進其法傾畧一朝可以流湏于
日單醪投川可使三軍告捷斯人神之所歆羨觀聽之
所煒曄也予豈能強起而御之乎公子曰耽爽口之饌
甘腊毒之味服腐腸之藥御亡國之器雖子大夫之所
榮顧亦吾人之所畏余病未能也

大夫曰蓋有晉之融皇風也金華啓徵大人有作繼明
代照配天光宅其基德也隆于姬公之處岐其垂仁也
富乎有殷之在亳南箕之風不能暢其化離畢之雲無

以豐其澤皇道煥炳

一作昭煥

帝載緝熙導氣以樂宣德以

詩

文選作語

教清於雲官之世政

一作治

穆乎鳥紀之時王猷

四塞函夏謐寧

一作靜

丹寔投烽青徼釋警却馬於冀車

之轅銘德於昆吳之鼎羣氓反素時文

一作人

載郁耕父

推畔漁豎讓陸樵夫恥危冠之飾輿臺笑短後之服六

合時邕巍巍蕩蕩玄邕巷歌黃髮擊壤解羲皇之繩錯

陶唐之象若乃華裔之夷流荒之貊語不傳於輶軒地

不被乎正朔莫不駿奔稽顙委質重譯于時昆蛟感惠

無思不擾苑戲九尾之禽園棲三足之鳥鳴鳳在林影
於黃帝之園有龍游淵盈於孔甲之沼萬物烟煴天地
交泰義懷靡內化感無外林無被褐山無韋帶昏象刻
於百工兆發乎靈蔡縉紳濟濟軒冕藹藹功與造化爭
流德與二儀比大言未終公子蹶然而興曰鄙夫固陋
守茲文選作此狂狷蓋理有毀之而爭寶之訟解言有怒之
而齊王之疾痊向子誘我以聾耳之樂棲我以鄙家之
屋田游馳蕩利刃駿足既老氏之攸戒非吾人之所欲

故靡得而應子至聞皇風載肆時聖道淳舉實為秋摘

藻為春下有可封之人

一作民

上有大哉之君余雖不敏

請尋

一作從

後塵

詩

詩品云張協詩其源出於王粲文體華淨少病
累又巧構形似之言雄於潘岳靡於太冲風流
調達實曠代之高手詞采蔥蒨音韻鏗鏘使人
味之饴饴不倦詩譜云逐句鍛鍊辭工製率

詠史

昔在西京時朝野多歡娛藹藹東都門羣公祖二疎朱

軒曜金城供帳臨長衢達人知止足遺榮忽如無抽簪
解朝衣散髮歸海隅行人為隕涕賢哉此大文選夫揮
金樂當年歲暮不留儲顧謂四座賓多財為累愚清風
激萬代名與天壤俱吐此蟬冕客君紳宜見書

雜詩

秋夜涼風起清氣蕩暄濁蜻蛚吟堦下飛蛾拂明燭君
子從遠役佳人守螢獨離居幾何時鑽燧忽改木房櫳
無行跡庭艸萋以綠青苔依空牆蜘蛛網四屋感物多

所懷沈憂結心曲

其二

大火流坤維白日馳西陸浮陽映翠林迴飈扇綠竹飛
雨灑朝蘭輕露棲叢菊龍蟄暄氣凝天高萬物肅弱條
不重結芳蕤豈再馥人生瀛海內忽如鳥過目川上之
歎逝前修以自勗

其三

金風扇素節丹霞啓陰期騰雲似涌煙密雨如散絲寒

花發黃采

一作彩

秋艸含綠滋閒居玩萬物離羣戀

一作念

所思案無蕭氏牘庭無貢公綦高尚遺王侯道積是成
基至人不嬰物餘風足染時

其四

朝霞迎白日丹氣臨暘

一作湯

谷翳翳結繁雲森森散雨

足輕風推勁艸凝霜竦高木密葉日夜疎叢林森如束
疇昔嘆時遲晚節悲年促歲暮懷百憂將從季主卜

其五

昔我資章甫聊以適諸越行行入幽荒歐

一作歐

路從祝

髮窮年非所用此貨將安設瓠齠夸璵璠魚目笑明月
不見郢中歌能否居然別陽春無和者巴人皆下節流
俗多昏迷此理誰能察

其六

朝登魯陽關狹路峭且深流澗萬餘丈圍木數千尋咆
虎響窮山鳴鶴聒空林淒風為我嘯百籟坐自吟感物
多思情在險易常心竭來戒不虞挺轡越飛岑王陽驅

九折周文走岑峯經阻貴勿遲此理著來今

其七

此鄉非吾地此郭非吾城羈旅無定心翩翩如懸旌出
覩軍馬陣入聞鞀鼓聲常懼羽檄飛神武一朝征長鉞
鳴鞘中烽火列邊亭舍我衡門衣更被縵胡纓疇昔懷
微志帷幕竊所經何必操干戈堂上有奇兵折衝樽俎
間制勝在兩楹巧遲不足稱拙速乃垂名

其八

述職投邊城羈束戎旅間下車如昨日望舒四五圓借
問此何時胡蝶飛南園流波戀舊浦行雲思故山閩越
衣文蛇胡馬願度燕風土

文選作
土風

安所習由來有固然

其九

結宇窮岡曲耦耕幽藪陰荒庭寂以閒幽

一作山

岫峭且

深淒風起東谷有滄興南岑雖無箕畢期膚寸自成霖
澤雉登壘雒寒猿擁條吟溪壑無人跡荒楚鬱蕭森投
耒循岸垂時聞樵採音重基可擬志迴淵可比心養真

尚無為道勝貴陸沈游思竹素園寄辭翰墨林

其十

墨蜨躍重淵商羊儼野庭飛廉應南箕豐隆迎號屏雲
根臨八極雨足灑四溟霖漚過二旬散漫亞九齡階下
伏泉涌堂上水衣生洪潦浩方割人懷昏墊情沈液漱
陳根綠葉腐秋莖里無曲突烟路無行輪聲環堵自頽
毀垣閭不隱形尺燼重尋桂紅粒貴瑤瓊君子守固窮
在約不爽貞雖榮田方贈慙為溝壑名取志於陵子比

足一作黔婁生

此首江淹雜擬所為
張黃門苦雨者也

雜詩

太昊啓東節春郊禮青祇鷹化日夜分雷動寒暑離飛
澤洗冬條浮颺解春漸采虹纓高雲文虬鳴陰池冲氣
扇九垓蒼生衍四垂時至萬寶成化周天地移

遊仙

崢嶸元圃深嵯峨天嶺峭亭館籠雲構脩梁流三曜蘭
葩葢嶺披清風緣隙嘯

漢魏六朝百三家集卷五十四

欽定四庫全書

漢魏六朝百三家集卷五十五

晉劉琨集題詞

晉劉司空集十卷在宋時已多缺誤今日欲觀
全書未可得也越石兄弟與石崇賈謐友善金
谷文詠秘書唱和詩賦豈盡無傳顧廼奔走亂
離僅存書表想其當日執槊倚盾筆不得止勁
氣直辭迴薄霄漢推此志也屈平沅湘荊卿易

水其同聲耶晉元渡江無心北伐越石再三上
表辭雖勸進義切復讐讀者苟有胸腹能無慷
慨以彼雄才結盟戎狄揚旌幽并身死而復生
國危而復安間患差跌不病驅馳及同盟見疑
命窮幽繫子諒文懦坐觀其斃為之君者孝非
子胥為之友者仁非魯連慙慙贈詩送哀而已
夫漢賊不滅諸葛出師二聖未還武穆鞠旅二
臣忠貞表懸天壤上下其間中有越石追鞭祖

生投書盧子英雄失援西狩興悲予嘗感中夜
荒雞月明清嘯抑覽是集彷彿其如有聞乎

目錄

表

上懷帝請糧表

上愍帝謝錄功表

上愍帝請北伐表

勸進元帝表

又

又

又

賤

與丞相賤

又

又

又

又

上太子牋

與丞相牋

又

又

答晉王睿牋

書

答太傅府書

又

答盧諶書

遺石勒書

又

與親故書

與兄子南兖州刺史演書

又

與兄弟書

書

與段匹碑書

盟文

與段匹碑盟文

誄

散騎常侍劉府君誄

詩

答盧諶八首

其一

其二

其三

其四

其五

其六

其七

其八

重贈盧諶

扶風歌

胡姬年十五

漢魏六朝百三家集卷五十五目錄

欽定四庫全書

漢魏六朝百三家集卷五十五

明 張溥 輯

晉劉琨集

表

上懷帝請糧表

臣以頑蔽志望有限因緣際會遂忝過任九月末得發
道險山峻胡寇塞路輒以少擊衆冒險而進頓伏艱危

辛苦備嘗即日達壺口關臣自涉州疆目覩困乏流移
四散十不存二攜老扶弱不絕於路及其在者鬻妻賣
子生相捐棄死亡委厄白骨橫野哀呼之聲感傷和氣
羣胡數萬周匝四山動足遇掠開目覩寇唯有壺關可
得告糴而此二道九州之險數人當路則百夫不敢進
公私往反沒喪者多嬰守窮城不得薪采耕牛既盡又
乏田器以臣愚短當此至難憂如循環不遑寢食臣伏
思此州雖云邊朔實通皇畿南通河內東連司冀北捍

殊俗西禦強虜是勁弓良馬勇士精騎之所出也當須
委輸乃全其命今上尚書請此州穀五百萬斛絹五百
萬匹綿五百萬斤願陛下時出臣表速見聽處

上愍帝謝錄功表

陛下略臣大愆錄臣小善猥蒙天恩光授殊寵顯以蟬
冕之榮崇以上將之位伏省詔書五情飛越臣聞晉文
以卻縠為元帥而定霸功高祖以韓信為大將而成王
業咸有敦詩閱禮之德戎昭果毅之威故能振豐功於

荆南拓洪基於河北況臣凡陋擬蹤前哲俯懼折鼎慮
在覆餗昔曹沫三北而收功於柯盟馮異垂翅而奮翼
於澠池皆能因敗為成以功補過陛下宥過之恩已隆
而臣自新之善不立臣雖不逮預聞前訓恭讓之節臣
猶庶幾所以冒承寵命者實欲沒身報國輒死自效要
以致命寇場盡其臣節至於寵榮之施非言辭所謝又
謁者史蘭殿中中郎王春等繼至奉詔臣俯尋聖旨伏
紙飲淚臣聞夷險流行古今代有靈厭皇德曾未悔禍

蟻狄縱毒於神州夷裔肆虐於上國七廟闕裡祀之享
百官喪彝倫之序梓宮淪辱山陵未兆率土永慕思同
考妣陛下龍姿日茂叡質彌光升區宇於既頽崇社稷
於已替四海之內肇有上下九服之萌復覩典制伏惟
陛下蒙塵于外越在秦郊蒸嘗之敬在心桑梓之心未
克臣備位歷年才質駑下邱山之釁已彰毫釐之效未
著頃以時宜權假位號竟無殪戎之績而有負乘之累
當肆刑書以明黜陟是以臣前表上聞敢緣愚款乞奉

先朝之班苟存偏師之職赦其三敗之愆收其一功之
用得騁志虜場快意大逆雖身膏野艸無恨黃墟陛下
偏恩過隆曲蒙擢拔遂授上將位兼常伯征討之務得
從事宜拜命驚惶五情戰悸懼於隕越以為朝羞昔申
胥不徇伯舉而成公壻之勳伍員不從城父而濟入郢
之庸臣雖頑凶無覲古人其於披堅執銳致身寇讐所
謂天地之施羣生莫謝不勝受恩至深謹拜表陳聞

上愍帝請北伐表

逆胡劉聰敢率犬羊馮陵輦轂人神發憤遐邇奮怒伏
省詔書相國南陽王保太尉涼州刺史軌糾合二州同
恤王室冠軍將軍允護軍將軍絃總齊六軍戮力國難
王旅大捷俘馘千計旌旗首於晉路金鼓振於河曲崕
函無虔劉之驚沂隴有安業之慶斯誠宗廟社稷陛下
神武之所致含氣之類莫不引領況臣之心能無踴躍
臣前表當與鮮卑猗廬尅今年三月都會平陽會匈奴
石勒以三月三日徑掩薊城大司馬博陵公浚受其偽

和為勒所虜勒勢轉盛欲來襲臣城塢駭懼志在自守
又猗盧國內欲生奸謀幸盧警慮尋皆誅滅遂使南北
顧慮用愆成舉臣所以泣血宵吟扼腕長歎者也勒據
襄國與臣隔山寇騎朝發夕及臣城同惡相求其徒實
繁自東北八州勒滅其七先朝所授存者唯臣是以勒
朝謀夕慮以圖臣為計闕伺間隙寇抄相尋戎士不得
解甲百姓不得在野天網雖張靈澤未及唯臣孑然與
寇為伍自守則稽聰之謀進討則勒襲其後進退唯谷

首尾狼狽徒懷憤踴力不從願慚怖征營痛心疾首形
留所在神馳寇庭秋穀既登胡馬已肥前鋒諸軍並有
至者臣當首啓戎行身先士卒臣與二虜勢不並立聰
勒不梟臣無歸志庶憑陛下威靈使微意展獲然後隕
首謝國沒而無恨

勸進元帝表

否泰之運古今迭有宗子有明德曷常不由多難以隆
中興故獫狁殘周以啓宣王巨猾竊漢乃發光武陛下

天授至德聰明神武勞謙恭已卑以自牧體伯禽經營
之誠行公旦吐握之事上崇勤王之義下垂庇民之量
收羅俊乂任賢以能綏爰陝東化流無外戎狄荒服請
事率職重譯納貢不遠萬里功高德邵遐邇歸心況陛
下道邁大宗勳莫與二且以親以賢義實兼之是以琨
敢緣天文人事徵祥之應昧死上事以奉尊號願陛下
無常心以羣心為心忘其身以萬物為公則宗廟蒸嘗
不替於今逆虜逋寇一討而滅無負於天下無愧於七

后矣

又表

臣聞台宿在天實承辰極股肱雖卑同體元首臣負乘
前朝過克三吏國之崇替有與憂喜臣聞德合兩儀者
固以四海為公智周萬物者不以一身為私舜禹揖讓
以陟帝位湯武征伐以濟時難彼四王者邁會不同登
受有異至夫外已存物憂世遺躬其致一也期於愛民
治國應變合道以為天下利而已矣況宗廟是陛下之

宗廟百姓是大晉之百姓耶陛下若忽七廟之重拒天
人之心絕而不繼困而不拯則宗廟不歆其禋祀羣生
無所指其手足矣況臣班具臣之列荷累世之恩上懷
國家之統俯絕烏鳥之情者哉昔伍員發怒手撻平王
之墓灌夫慷慨身褫吳淠之旗皆能宣其臣節攄其私
忿戮尸斬將存亡罔恨臣誠無若人之才實有此人
之憤苟得上憑天威展其微効雖隕九泉猶以明白

又表

陛下之躬執謙光允恭克讓俛從吏議示總萬機而蕩
曠之詔開自新之路海隅漸惠朔南暨聲有生之倫咸
被嘉慶陛下量包宇宙明侔三辰靈祗稽應華戎同戴
加以王室中微邦基將絕遺民元元屬命陛下陛下以
德則無所與讓言事固所負荷誠宜遺小禮存大務援
據圖錄居正宸極上副祖宗之心下一兆庶之望臣聞
必也正名前聖大之春秋傳曰名以出信名苟不正則
事有不從信苟不立則禮義或愆乃載籍之明誠開塞

之所由也

又表

臣聞天生烝民樹之以君所以對越天地司牧黎元聖
帝明王鑒其若此知天地不可以無饗故屈其身以奉
之知黎元不可以無主故不得已而臨之社稷時難則
戚藩定其傾郊廟或替則宗哲纂其祀所以宏振遐風
式固萬世自元康已來艱禍繁興永嘉之際氛厲彌昏
宸極失御登遐醜裔國家之危有若綴旒天不悔禍大

災薦臻國未忘難寇害尋興逆胡劉曜縱逸西都主上
幽劫復沉虜庭神器流離再尋荒逆臣每覽史籍觀之
前載厄運之極古今未有在食土之毛含氣之類莫不
叩心絕氣行號巷哭況臣荷寵三世位厠鼎司承問震
惶精爽飛越臣聞昏明迭用否泰相濟天命雖改歷數
有歸或多難以固邦國或隱憂以啓聖明是以齊有無
知之禍而小白為五伯之長晉有驪姬之難而重耳主
諸侯之盟陛下元德通於神明聖姿合於兩儀應命世

之期紹千載之運符瑞之表天人有徵中興之兆圖議
垂典自京畿殞喪九服崩離陛下撫寧江左奄有舊吳
柔服以德伐叛以刑抗明威以懾不類仗大順以肅宇
內純化既敷則率土宅心義風既暢則遐方企踵昔少
康之隆夏訓以為美談宣王之興周詩以為休詠況茂
勳格于皇天清暉光于四海蒼生顯然莫不欣戴聲教
所加願為臣妾者哉且宣皇之肩唯有陛下億兆攸歸
曾無與二天祚大晉必將有主主晉祀者非陛下而誰

是以邇無異言遠無異望謳歌者無不吟咏徽猷獄訟者無不思于聖德天地之際既交華裔之情允洽一角之獸連理之木以為休徵者蓋有百數冠帶之倫要荒之衆不謀而同辭者動以萬計是以臣等敢考天地之心因函夏之趣味次上尊號願陛下存舜禹至公之情狹巢由矯抗之節以社稷為務不以小行為先以黔首為憂不以克讓為事上以慰宗廟乃顧之懷下以釋普天傾首之望臣聞尊位不可久虛萬機不可久曠虛之

一日則尊位以殆曠之決長則萬機以亂陛下雖欲逡巡其若宗廟何其若百姓何

牋

與丞相牋

不得進軍者實困無食殘民鳥散擁髮徒跣錄召之日皆披林而至衣服藍縷木弓一張荆矢十發編草盛糧不盈二日夏則桑椹冬則萱豆視此哀歎使人氣索恐孫吳韓白猶或難之況以琨怯弱凡才而當率此以殄

強寇

又與丞相牋

昔車騎感猗也救州之勳表以代郡封邑為代公見聽
時大駕在長安會值戎事道路不通竟未施行盧以封
事見託琨實為表上追述車騎前意即蒙聽許遣兼謁
者僕射拜盧賜印及符冊浚以此見責戎狄封華郡誠
為失禮然蓋以救弊耳亦猶浚先以遼西封務勿塵此
禮之失浚實啓之浚遂與盧爭代郡舉為所破紛錯之

由始結於此雁門郡有五縣在陁北盧新并麀官國甚
強盛從琨求陁北地以竝遣三萬餘家散在五縣間既
非所制又於琨殘弱之計得相聚集未為失宜既徙陁
北五縣著陁南盧因移頗侵逼浚西陁圍塞諸軍營浚
不復見怨危弱而見罪責

又

琨碩身竭辭北和倚盧遂引大衆躬啓戎行即具白太
傅切陳愚見取賊之計聰宜時討勒不可縱而宰相意

與所慮不同更憂苟晞馮嵩之徒而稽二寇之誅遣使
節抑挫臣銳氣臣即解甲遣虜衆歸國

又

通鑑懷帝永嘉五年
七月王浚立皇太子

浚設壇場有所建立稱皇太子

又

通鑑永嘉五年九月
劉粲殺南陽王模

平昌以九月遇禍世子時鎮隴右故得無恙

上太子牋

太子為秦王勣即愍帝通鑑永嘉六年七月高喬郝聿以晉陽降漢晉書劉琨傳屬龐醇降于聰雁門烏丸復反琨親出禦之劉粲乘虛襲取晉陽

聰以七月十六日復決計送死臣即自東下率中山常

山之卒竝合樂平上黨諸軍未旋之間而晉陽傾潰考異

云十六國春秋亦云琨收兵常山本傳誤也

與丞相牋

建興元年琅玕王睿用郗鑒為兖州
建興元年十一月壬寅朔與丞相箋

焦求雖出塞鄉有文武胆幹苟晞用為陳畱太守獨在河南距當石勒撫綏有方琨以求行貝兗州刺史後聞苟公以李述為兗州以素論門望不可與求同日而論至於胆幹可以處危權一時之用李述亦不能及求而王元年少便欲共討求琨以求已與玄構隙便召還而州界民物甚不安服述二千石及文武大姓連遣信使求刺史是以遣兄子演代求領兗州事往年春正月遣詣鄴至是斬王桑走趙固

云

今勒據襄國逼近鄴城

故今演轉南演今住在廩邱而李述郡鑒並欲爭兗州
或云為苟公所用或云為明公所用大寇未殄而自共
尋干戈此亦大潰也輒勅演謹自守而已

又

傳長安消息主上是秦王

又

致表一領亦達其情耳

答晉王睿牋

謹當躬自執佩截二虜

書

答太傅府書

懷帝永嘉二年

僭遣使驛離間其部落淵遂怖懼一大於南奔蒲子雜

虜歸降萬有餘落

資治通鑑考異云按時淵疆琨弱豈因畏琨而徙都葢琨為自大之辭史

因承以為實耳

一大有脫誤

又

聰彌一上黨龐惇不能禦

一上下有脫誤

安居走利韓逼授書封田之敗黃肅不還浹辰之間名將仍殄

即重遣江陶都尉張倚領上黨太守疾據襄垣續遣鷹揚將軍趙擬梁余都尉李茂與倚并力輕行衣襲賊捐棄輜車宵遁而退追尋討截獲三分之二當聽彌之未走烏丸劉虎構為變逆西招白部遣使致任稱臣於淵殘州困弱內外受敵輒背聽而討虎自四月八日攻圍

答盧諶書

琨頓首損書及詩備辛酸之苦言暢經通之遠旨執玩
反覆不能釋手慨然以悲歡然以喜昔在少壯未嘗檢
括遠慕老莊之齊物近嘉阮生之放曠怪厚薄何從而
生哀樂何繇而至自頃翰張困於逆亂國破家亡親友
凋殘塊然獨立則哀憤兩集負杖行吟則百憂俱至時
復相與舉觴對膝破涕為笑排終身之積慘求數刻之
暫歡譬繇疾疢彌年而欲一丸銷之其可得乎夫才生
於世世實須才和氏之璧焉得獨曜於郢握夜光之珠

何得專玩於隨掌天下之寶固當與天下共之但分拆之日不能不悵恨耳然後知聃周之為虛誕嗣宗之為妄作也昔騷驥倚輶於吳阪長鳴於良樂知與不知也百里奚愚於虞而智於秦遇與不遇也今君遇之矣勗之而已不復屬意於文二十餘年矣久廢則無次想必欲其一反故稱指送一篇適足以彰來詩之益美耳琨頓首頓首

遺石勒書

初勒被驚平原與母王相失及劉聰署勒領并州刺史幽州牧琨遣張儒送王于勒遺勒書勒報書遺琨名馬珍寶厚賓其使謝歸以絕之

將軍發跡河南席捲兗豫飲馬江淮折衝漢沔雖自古名將未足為喻所以攻城而不有其人略地而不有其土翕爾雲合忽復星散將軍豈知其然哉存亡決在得主成敗要在所附得主則為義兵附逆則為賊衆義兵雖敗而功業必成賊衆雖尅而終歸殄滅昔赤眉黃巾橫逸宇宙所以一旦敗亡者正以兵出無名聚而為亂

將軍以天挺之質威振宇內擇有德而推崇隨時望而歸之勳義堂堂長享遐貴背聰則禍除向主則福至採納往誨翻然改圖天下不足定螳寇不足掃今相授侍中持節車騎大將軍領護匈奴中郎將襄城郡公摠內外之任兼華夷之號顯封大郡以表殊能將軍其受之副遠近之望也自古以來誠無戎人以為帝王者至於名臣建功業者則有之矣今之遲想蓋以天下大亂當須雄才遙聞將軍攻城野戰合於機神雖不視兵書閭

與孫吳同契所謂生而知之者上學而知之者次但得
精騎五千以將軍之才何向不摧至心實事皆張儒所
具

同前

將軍誕稟雄姿勇略自然大呼於紛擾之中奮臂於駭
亂之際發跡河朔席捲兗豫飲馬江沔折衝淮漢自古
名將未足為喻所以攻城而不有其民略地而不有其
土聚徒百萬而莫為己用翕爾雲合忽復星散周流天

下而無容足之地百戰百勝而無尺寸之功將軍豈知
然乎存亡決在得主成敗要在所附得主則為義兵附
逆則為賊衆義兵雖敗而功業必成賊衆雖尅而終殄
滅者也赤眉盛於東海黃巾連帶三州張昌李辰僭逆
荆豫或擁衆百萬橫逆宇內所以一旦敗亡正以兵出
無名聚而為亂劉聰父子戎狄凡十乘釁肆毒寇虐人
神煞要害弟偷竊位號自古及今豈有聰比而可以正
天下者乎況將軍明鑒灼然所宜懸了者也况附聰之

弊漸以彰著資財不為已用名位不可得守有若晨霜
秋露霧霧之氣雖朝凝而夕消暫見而尋沒也今將軍
附賊而望為民主不亦難乎

與親故書

吾枕戈待旦志梟逆虜常恐祖生先吾著鞭耳

與兄子南兗州刺史演書

演字始仁琨兄左長史興
之子為都督後將軍被害

前得安州乾薑一斤桂一斤黃芩一斤皆所須也吾體

中漬悶常仰真茶汝可信信置之

又

前得安州乾茶二斤薑一斤桂一斤皆所須也吾體中
頗悶恆假真茶汝可信信致之

與兄弟書

單于便欲得碧汝不可不檢送

書

膽識堅定臨難無苟免之意

與段匹碑書

與公同盟志獎王室仰憑威力庶雪國家之恥若兒書
密達亦終不以一子之故負公忘義也

盟文

與段匹碑盟文

天不靜晉難集上邦四方豪傑是焉扇動乃憑陵于諸
夏俾天子播越震蕩罔有攸底二虜交侵區夏將泯神
人乏主蒼生無歸百罹備臻死喪相枕肌膚潤于鋒鏑

骸骨曝於艸莽千里無烟火之廬列城有兵曠之邑茲所以痛心疾首仰訴皇穹者也臣琨蒙國寵靈叨竊台岳臣殫世效忠節忝荷公輔大懼醜類猾夏王旅殞首喪元盡其臣禮古先哲王貽厥後訓所以翼戴天子敦序同好者莫不臨之以神明結之以盟誓故齊桓會於邵陵而羣后加恭晉文盟於踐土而諸侯茲順如臣等介在遐鄙而與主相去迥遠是以敢干先典刑牲軟血自今日既盟之後皆盡忠竭節以剪夷二寇有加難於

碑琨必救加難於琨碑亦如之繼繼齊契披布胸懷書
功金石藏於王府有渝此盟亡其宗族俾墜軍旅無其
遺育

誄

散騎常侍劉府君誄

爰自上葉帝堯之胤堂堂漢祖豁豁高韻茂載孝景克
紹前訓穆矣靖王開國作鎮惟祖惟父乃光有晉積行
累仁世篤忠順是用感和誕育奇雋淑質英挺金聲玉

振嗟乎君侯仍寢斯疾命不可延中牟殞卒衝颺摧華
閭風彫實如可贖兮人百其質存若燭龍銜曜沒若庭
燎俱滅措紳頽範於高模邦國彌悴於隕哲

詩

答盧諶八首

其一

厄運初邁陽爻在六乾象棟傾坤儀舟覆橫厲糾紛羣
妖競逐火燎神州洪流華域彼忝離離彼稷育育哀我

皇晉痛心在目

其二

天地無心萬物同塗禍淫莫驗福善則虛逆有全邑義
無完都英藥夏落毒卉冬敷如彼龜玉韞櫝毀諸芻狗
之談其曷得乎

其三

咨余軟弱弗克負荷愆釁仍彰榮寵屢加威之不建禍
延凶播忠隕于國孝愆于家斯罪之積如彼山河斯釁

之深終莫能磨

其四

郁穆舊姻嫵婉新婚不慮其敗唯義是敦裹糧攜弱匍

匐星奔未輟爾駕已隳

五臣作墜

我門二族偕覆三孽竝根

長慚舊孤永負冤魂

其五

亭亭孤幹獨生無伴綠葉繁縟柔條修罕朝采爾實夕
持爾竿竿翠豐尋逸珠盈椀實消我憂憂急用緩逝將

去矣庭虛情滿

其六

虛滿伊何蘭桂移植茂彼春林瘁此秋棘有鳥翻飛不
遑休息匪桐不棲匪竹不食永戢東羽翰撫西翼我之
敬之廢歡輟職

其七

音以賞奏味以殊珍文以明言言以暢神之子之往四
美不臻澄醪覆觴絲竹生塵素卷莫啓幄無談賓既孤

我德又闕我鄰

其八

光光段生出幽遷喬資忠履信武烈文昭旌弓駢駢興
馬翹翹乃奮長縻是轡是鑣何以贈子竭心公朝何以
敘懷引領長謠

重贈盧諶

握中有懸壁本自荆山璆惟彼太公望昔在渭濱叟鄧
生何感激千里來相求白登幸曲逆

音句

鴻門賴留侯

重耳任五賢小白相射鉤苟能隆二伯安問黨與讐中
夜撫枕歎想與數子游吾衰久矣夫何其不夢周誰云
聖達節知命故不憂宣尼悲獲麟西狩涕孔邱功業未
及建夕陽忽西流時哉不我與去乎若雲浮朱實隕勁
風繁英落素秋狹路傾華車一作蓋駭駟摧雙輶何意百
鍊鋼化為繞指柔

扶風歌

朝發廣莫門暮宿丹水山左手彎繁弱右手揮龍淵顧

瞻望宮闕俯仰御飛軒據鞍長歎息淚下如流泉繫馬
長松下發鞍高岳頭烈烈悲風起泠泠澗水流揮手長
相謝哽咽不能言浮雲為我結歸

五臣作飛

鳥為我旋去家

日已遠安知存與亡慷慨窮林中抱膝獨摧藏麋鹿遊
我前獨猴戲我側資糧既乏盡薇蕨安可食攬轡命徒
侶吟嘯絕巖中君子道微矣夫子故


一作固

有窮惟昔李

騫期寄在匈奴庭忠信反獲罪漢武不見明我欲竟此
曲此曲悲且長棄置勿重陳重陳令心傷

胡姬年十五

虹梁照曉日
淥水泛香蓮
如何十五少
含笑酒壚前
花將面自許
人共影相憐
回頭堪百萬
價重為時年



漢魏六朝百三家集卷五十五

欽定四庫全書

集部

漢魏六朝百三集卷五十六
七

詳校官庶吉士臣謝恭銘

主事銜臣徐以坤覆勘

總校官檢討臣何思鈞

校對官中書臣高中

謄錄監生臣李安國

欽定四庫全書

漢魏六朝百三家集卷五十六

晉郭璞集題詞

神僊傳言郭河東得兵解之道今為水僊伯其
然與否吾不敢知亦足見烈士殉義雖死可生
亂臣賊子不能殺也景純才學見重明帝埒於
溫嶠庾亮余謂其抗節王敦贊成大事匡國之
志嶠可庶幾亮安敢班哉雙栢鵲巢越城伍伯

絕命之期先知之矣猶然解髮銜刀祈祥幽穢
非苟求活欲觀須臾得一當以報國家耳陳迹
蚤亡呼之為福景純亦縱酒色自滅精神李陵
惜死若所恥也負豫讓之忠蹈嵇生之禍豈非
天乎阮嗣宗厭苦司馬以狂自晦彼亦無可如
何不得已而逃為酒人景純則非無術以處敦
者也令桓彝不窺裸袒生命不盡日中勤王之
師義當先驅其取敦也猶廬江主人家婢爾南

岡斷頭遺文彌烈今讀其集直臣諫諍神靈博
物無不有也如斯人而不謂之仙乎不可得已

目錄

賦

南郊賦

江賦

巫咸山賦

登百尺樓賦

鹽池賦

井賦

流寓賦

蜜蜂賦

又

蚍蜉賦

疏

省刑疏

日有黑氣疏

皇孫生請布澤疏

平刑疏

彈任谷疏

禁荻疏

表

辭尚書表

序

山海經序

爾雅序

方言序

設難

客傲

哀策文

晉元帝哀策文

漢魏六朝百三家集卷五十六目錄

欽定四庫全書

漢魏六朝百三家集卷五十六

明 張溥 輯

晉郭璞集

賦

南郊賦

於是時惟青陽日在方旭我后將受命靈壇乃改步而
鳴玉升金軒撫太僕揚六轡齊八駟列五幡於一元兮

靡日月乎黃屋矯陵烏以偵候兮整豹尾於後屬武騎
佗以清道被練煥以波燭爾乃造曠場戾壇庭百寮山
立萬乘雲縈延祝史肆玉牲登圓丘揖太清禮羣望告
皇靈天澄其氣日朗其精飛廉鼓舞於八維兮豐隆擊
節於九冥祝融穆以肅侍兮陽侯澹以中停於是司烜
戒燧火烈具炳宗皇祖而配祀增孝思之惟永郊寰之
內區域之外雕題卉服被髮左帶駿奔在壇不期而會
我我羣辟蚩蚩黎庶翹懷聖猷思我王度事崇其簡服

尚其素化無不融萬物自鼓振西北之絕維隆東南之
撓柱廓清紫衛電掃神宇風馬桂林抗旌琳圓五岳不
足以顯其勲九韶不足以贊其舞饗駭鬼方聲振丘隴
倒影望風龍漢企踵爛若列星之環辰咸雲騰而海涌此蓋
和氣旁通玄羅潛總自然之感鼓而遂動

江賦

咨五才之並用寔水德之靈長惟岷山之導江初發源
乎濫觴聿經始於洛汭攬萬川乎巴梁衝巫峽以迅激

躋江津而起漲極泓量而海運狀滔天以淼茫總括漢
泗兼包淮湘并吞沅澧汲引沮漳源二分於岨峽流九
派乎潯陽鼓洪濤於赤岨淪餘波乎柴桑網絡羣流商
摧涓澮表神委於江都混流宗而東會注五湖以漫漭
灌三江而澎湃瀉汗六州之域經營炎景之外所以作
限於華夷壯天地之嶮介呼吸萬里吐納靈潮自然往
復或夕或朝激逸勢以前驅乃鼓怒而作濤峨嵋為泉
陽之揭玉壘作東別之標衡霍磊落以連鎮巫廬嵬嵬

而比嶠協靈通氣漬薄相陶流風蒸雷騰虹揚霄出信
陽而長邁淙大壑與沃焦若乃巴東之峽夏后䟽鑿絕
岸萬丈壁立赧駭虎牙嵒監以屹萃荆門闕竦而磐礴
圓淵九迴以懸騰溢流雷响而電激駭浪暴灑驚波飛
薄迅復增洶湧湍疊躍砮巖鼓作瀚渚粲滄溟潏灑
潰瀆洩渌滴湟湟泐泐瀦瀦瀦瀦濃滎潏潏潏潏瀑漫
滅瀝瀝龍鱗結絡碧沙遺漚而往來巨石砮砮以前却
潛演之所汨渢奔溜之所礧錯厓隰為之泐嶂砮嶺為

之崑崙幽澗積岨礧礧確若乃曾潭之府靈湖之淵
澄澹汪洸瀟混困泣泓沅洞潏潏鄰圃潏混瀚渙流
映揚焞溟潏渺漚汗汗汩汩察之無象尋之無邊氣滃
浮以霧杳時鬱律其如烟類胚渾之未凝象太極之構
天長波浹渫峻湍崔嵬盤渦谷轉凌濤山頽陽侯礧礧
以岸起洪瀾浣演而雲迴沍淪滾滾乍浥乍堆礧如地
裂豁若天開觸曲厓以縈繞駭崩浪而相礧鼓唇窟以
瀚瀚乃溢湧而駕隈魚則江豚海狶叔鮪王鱣鰕鰕鱖

魚鯨鯨鯨或鹿駝象鼻或虎狀龍顏鱗甲錯錯煥爛
錦斑揚鬣掉尾噴浪飛颭排流呼哈隨波遊延或爆采
以見淵或嚇鰓乎巖間介鯨乘濤以出入鰲鯢順時而
往還爾其水物怪錯則有潛鵠魚牛虎蛟鉤蛇螭鱗鱗
蝟鱗鼉龜龐玉玳海月土肉石華三蠖蝦江鰻螺蛭蝸
璣蚌腹蟹水母目蝦紫虻如渠洪蚶專車瓊蚌晞曜以
瑩珠石蚌應節而揚葩蜃蝓蠃森衰以垂翹玄螭硯礫而
硯礫或泛漱於潮波或混淪乎泥沙若乃龍鯉一角奇

鶴九頭有鼈三足有龜六眸螭螭肺躍而吐璣文鼉磬
鳴以孕璆條螭拂翼而掣耀神蛇蝮蟪以沈遊驛馬騰
波以噓蹀水兕雷咆乎陽侯淵客築室於巖底鮫人構
館於懸流電布餘糧星離沙鏡青綸競糾縟組爭映紫
菜熒眩以叢被綠苔鬚髭乎研上石帆蒙龍以蓋嶼萍
實時出而漂泳其下則有金礦丹礫雲精燭銀瑤瑯璿
瑰水碧潛瑤鳴石列於陽渚浮磬肆乎陰濱或頽彩輕
漣或焞曜崖鄰林無不溥岸無不津其羽族也則有晨

鵲天雞鵲鷺鷥陽鳥爰翔于以玄月千類萬聲自相
喧聒濯翮疏風鼓翅翮翮揮弄灑珠拊拂瀑沫集若霞
布散如雲豁產龍積羽往來勃碣楫杞稹薄於潯溪協
槿森嶺而羅峯桃枝竇簾簾繁有叢葭蒲雲蔓櫻以蘭
紅揚眇眇擢紫茸蔭潭隩被長江繁蔚芳離隱藹水松
涯灌芊萑潛薈葱龍鯨鯨踣踣於垠隰獮獮睽眇乎鱗
空迅雌臨虛以騁巧孤猥登危而雍容夔牯翹跬於夕
陽鴛雛弄翮乎山東因岐成渚觸澗開渠漱壑生浦區

別作湖磴之以潔灑漂之以尾閭標之以翠翳泛之以
遊菰播匪藝之芒種挺自然之嘉蔬鱗被菱荷攢布水
菰翹莖瀟蘩濯穎散裹隨風猗萎與波潭沲流光潛映
景炎霞火其旁則有雲夢雷池彭蠡青草具區洮潏朱
漣丹淥極望數百沆瀣晶漾爰有包山洞庭巴陵地道
潛達旁通幽岫窈窕金精玉英瑱其裏瑤珠怪石絳其
表驪虯棼其址梢雲冠其嶸海童之所巡遊琴高之所
靈矯冰夷倚浪以傲睨江妃含顰而聯眇撫凌波而鳬

躍吸翠霞而夭矯若乃宇宙澄寂八風不翔舟子於是
搦棹涉人於是檣榜漂飛雲運餘艗舳舻相屬萬里連
檣沂洄沿流或漁或商赴交益投幽浪竭南極窮東荒
爾乃緡霧縠於清旭覘五兩之動靜長風颭以增扇廣
莫颭而氣整徐而不颭疾而不猛鼓帆迅越超漲截洄
凌波縱拖電往杳溟濤如晨霞孤征眇若雲翼絕嶺條
忽數百千里俄頃飛廉無以睎其蹤渠黃不能企其景
於是蘆人漁子擯落江山衣則羽褐食惟蔬鱸杙澗為

涿夾漈羅筌簞灑連鋒罽當比船或揮輪於懸碕或中
瀨而橫旋忽忘夕而宵歸詠採菱以叩舷傲自足於一
嘔尋風波以窮年爾乃域之以盤巖豁之以洞壑疏之
以淹汜鼓之以朝夕川流之所歸湊雲霧之所蒸液珍
怪之所化產傀竒之所窟宅納隱淪之列真挺異人乎
精魄播靈潤於千里越岱宗之觸石及其謫變儵恍符
祥非一動應無方感事而出經紀天地錯綜人術妙不
可盡之於言事不可窮之於筆若乃岷精垂曜於東井

陽侯遊形乎大波奇相得道而宅神乃協靈爽於湘娥
駭黃龍之負舟識伯禹之仰嗟壯荆飛之擒蛟終成氣
乎太阿悍要離之圖慶在中流而推戈悲靈均之任石
歎漁父之擢歌想周穆之濟師驅八駿於龜鼉感交甫
之喪珮慙神使之嬰羅煥大塊之流形混萬盡於一科
保不虧而永固稟元氣於靈和考川瀆之妙觀實莫著
於江河

巫咸山賦

有序

蓋巫咸者寔以鴻術為帝堯醫生為上公死為貴神豈封斯山而因以名之乎

伊巫咸之名山岨孤停而嵒峙體岑峭以隆顏冠崇嶺以峻起配華霍以助鎮致靈潤乎百里爾乃寒泉懸涌浚湍流帶林薄叢籠幽蔚隱藹八風之所歸起遊鳥之所喧會潛瑕迴揚蘭茝迴翔鵷集凌鷁鷁翳禽鳥栖陽以晨鳴熊虎窟陰而夕嘑

登百尺樓賦

在青陽之季月登百尺以高觀嘉斯遊之可娛乃老氏
之所嘆撫凌檻以遙想乃目極而肆運情眇然以思遠
悵自失而潛愠瞻禹臺之隆嶺竒巫咸之孤峙美鹽池
之滉汙蒸紫霧而霞起異傳巖之幽人神介山之伯子
揖首陽之二老招鬼谷之隱士嗟王室之蠢蠢方構怨
而極武哀神器之遷浪指綴旒以譬主雄戟列於廊板
戎馬鳴乎講柱寤蒼華而增恠歎飛駟之過戶陟茲樓
以曠眺情慨爾而懷古

鹽池賦

水潤下以作鹹莫斯鹽之最靈傍峻岳以發源池茫爾
而海渟嗟玄液之潛洞羌莫知其所生狀委蛇其若漢
流漫漫以潏潏吁鑿鑿以粲粲色皜然而雪朗揚赤波
之煥爛光盱盱以晃晃隆陽映而不焦洪漭沃而不長
磊崔嶽碓鐳劍碁方玉潤膏津雪白凌岡粲如散璽煥
若布璋爛然漢明晃爾霞赤望之絳承即之雪積翠塗
內映潏液外翳動而愈生損而滋益若乃煎海鑠泉或

凍或漉所瞻不過一鄉所營不過鍾斛飴戎見珍於西
鄰火井擅奇乎巴濮豈若茲池之所產帶神邑之名嶽
吸靈潤於河汾總膏液乎澮涑

井賦

益作井龍登天鑿后土洞黃泉潛源洊臻滴滴涓涓幽
溟圓渟澹洞深玄爾乃冠玉檻甃鱗錯鼓轆轤揮勁索
飛輕裾之繽紛手爭驚而互搦長縲委蛇以曾縈兮瑤
甕龍騰而灑激乃回澄以靜映狀罔然而鏡灼挹之不

損停之不溢莫察其源動而愈出信潤下而德施壯邑
移以不改獨星陳於丘墟兮越百代而猶在守虛靜以
玄澹兮不東流而注海氣霧集以杳冥兮聲雷駭而湍
湍

流寓賦

戒雞晨而星發至猗氏而方曉觀屋落之隳殘顧但見
乎丘棗嗟城池之不固何人物之希少越南山之高嶺
修焦丘之微路駭斯徑之峻絕感王陽而增懼詰朝發

於解池辰中暨乎河北思此縣之舊名蓋曩日之魏國
詠詩人之流歌信風土之儉刻背茲邑之迴逝何險難
之多歷望陝城於南涯存虢氏之疆場實我姓之攸出
邈有懷乎乃迹陟函谷之高關壯斯勢之險固過王成
之丘壙想穀洛之合關惡王靈之壅流奇子喬之輕舉
遊華輦而永懷乃凭軾以寓目思文公之所營蓋成周
之墟域

蜜蜂賦

嗟品物之蠢蠢惟貞蟲之明族有叢瑣之細蜂亦策名
於羽屬近浮遊於園薈遠翱翔乎林谷爰翔爰集遂轉
颺迴紛紜雪亂混池雲頽景翳曜靈響迅風雷爾乃眩
援之雀下林天井青松冠谷赤蘿繡嶺無花不纏無陳
不省吮瓊液於懸峰吸赧津乎晨景於是迴驚林篁經
營堂窟繁布金房疊構玉室咀嚼華滋釀以為蜜自然
靈化莫識其術散似甘露凝如割肪冰鮮玉潤髓滑蘭
香百藥須之以諧飮扁鵲得之而術良爾乃察其所安

視其所託恒據中而虞難營翠微而結落徽號明於羽
族閭衛固乎管籥誅戮峻於鈇鉞招徼逮乎羽檄集不
謀而同期動不安而齊約

又

窮味之美極甜之長百果須以諧和靈娥御以艷顏

蚍蜉賦

惟洪陶之萬殊賦羣形而遍灑物莫微於昆蟲屬莫賤
乎螻蟻淫淫奕奕交錯往來行無遺迹驚不動埃迅雷

震而不駭激風發而不動虎賁比而不懾龍劍揮而不
恐乃吞舟而是制無小大與輕重因無心以致力果有
象乎大勇出奇膠於九真流瀝液其如血飾人士之喪
具在四隅而交結濟齊國之窮師由山東之高埵感萌
陽以潛出將知水而封穴伊斯蟲之愚昧乃先識而似
愆

疏

省刑疏

臣聞春秋之義貴元慎始故分至啟閉以觀雲物所以顯天人之統存休咎之徵臣不揆淺見輒依歲首粗有所占卦得解之既濟按爻論思方涉春木王龍德之時而為廢水之氣來見乘加升陽未布隆陰仍積坎為法象刑獄所麗變坎加離厥象不燭以義推之皆為刑獄殷繁理者有壅濫又去年十二月二十九日太白蝕日月者屬坎羣陰之府所以照察幽情以佐太陽精者也太白金行之星而來犯之天意若曰形理失中自壞其

所以為法者也臣術學庸近不練內事卦理所及敢不盡言又去秋以來沉雨跨年雖無金家涉火之祥然亦是刑獄充溢怨歎之氣所致往建興四年十二月中行丞相令史淳于伯刑於市而血流長標伯者小人雖罪在未允何足感動靈變致若斯之恠邪明皇天所以保佑金家子愛陛下屢見災異殷勤無已陛下宜側身思懼以應靈譴皇極之譴事不虛降不然恐將來必有愆陽苦雨之災崩震薄蝕之變狂狡蠱戾之妖以益陛

下旰食之勞也臣謹尋按舊經尚書有五事供禦之術
京房易傳有消復之救所以緣咎而致慶因異而邁政
故木不生庭太戊無以隆雉不鳴鼎武丁不為宗夫寅
畏者所以饗福怠傲者所以招患此自然之符應不可
不察也按解卦繇云君子以赦過宥罪既濟云思患而
豫防之臣愚以為宜發哀矜之詔引在予之責蕩除瑕
釁贊陽布惠使幽斃之人應蒼生以悅育否滯之氣隨
谷風而紓散此亦寄時事以制用藉開塞而曲成者也

臣竊觀陛下貞明仁恕體之自然天假其祚奄有區夏
啟重光於已昧廓四祖之遐武祥靈表瑞人鬼獻謀應
天順時殆不尚此然陛下即位以來中興之化未闡雖
躬綜萬幾勞逾日昃玄澤未加於羣生聲教未被乎宇
宙臣主未寧於上黔細未輯於下鴻鴈之詠不興康衢
之歌不作者何也仗道之情未著而任刑之風先彰經
國之畧未震而軌物之迹屢遷夫法令不一則人情惑
職次數改則覲覲生官方不審則批政作懲勸不明則

善惡渾此有國者之所慎也臣竊為陛下惜之夫以區區之曹參猶能遵蓋公之一言倚清靜以鎮俗寄市獄以容非德音不忘流詠于今漢之中宗聰悟獨斷可謂令主然厲意刑名用虧純德老子以禮為忠信之薄況刑又是禮之糟粕者乎夫無為而為之不宰以宰之固陛下之所體者也恥其君不為堯舜者亦豈惟古人是以致肆狂瞽不隱其懷若臣言可採或所以為塵露之益若不足採所以廣聽納之門願陛下少留神鑒賜察

臣言

曰有黑氣䟽

臣以頑昧近者冒陳所見陛下不遺狂言事蒙御省伏讀聖詔歡懼交戰臣前云升陽未布隆陰仍積坎為法象刑獄所麗變坎加離厥象不燭疑將來必有薄蝕之變也此月四日日出山六七丈精光潛暗而色都赤中有異物大如雞子又有青黑之氣共相搏擊良久方解按時在歲首純陽之日月在癸亥全陰之位而有此異

殆元首供禦之義不顯消復之理不著之所致也計去
微臣所陳未及一月而便有此變益明皇天留情陛下
懇懇之致也往年歲末太白蝕月今在歲始日有咎譴
曾未數旬大眚再見日月告釁見懼詩人無曰天高其
鑒不遠故宋景言善熒惑退次光武寧亂噓沲結冰此
明天人之懸符有若形影之相應應之以德則休祥臻
酬之以怠則咎徵作陛下宜恭承靈譴敬天之怒施沛
然之恩諧玄同之化上所以允塞天意下所以弭息羣

謗臣聞人之多幸國之不幸赦不宜數實如聖旨臣愚
以為子產知鑄刑書非政事之善然不得不作者須以
救弊故也今之宜赦理亦如之隨時之宜亦聖人所善
者此國家大信之要誠非微臣所得干豫今聖朝明哲
思弘謀猷方闢四門以亮采訪輿誦於羣小微臣蒙珥
筆朝末而可不竭誠盡規哉

皇孫生請布澤疏

有道之君未嘗不以危自持亂世之主未嘗不以安自

居故存而不忘亡者三代之所以興也亡而自以為存者三季之所以廢也是以古之令主開納忠讜以弼其違標顯功直用攻其失至乃聞一善則拜見規誠則懼何者蓋不私其身處天下以至公也臣竊惟陛下符運至著勲業至大而中興之祚不隆聖敬之風未躋者殆由法令太明刑教太峻故水至清則無魚政至察則衆乖此自然之勢也臣去春啟事以囹圄充斥陰陽不和推之卦理宜因郊祀作赦以蕩滌瑕穢不然將來必有

愆陽苦雨之災崩震薄蝕之變狂狡蠢戾之妖其後月
餘日果薄鬪去秋以來諸郡並有暴雨水皆洪潦歲用
無年適聞吳興復欲有構妄者咎徵漸成臣甚惡之頃
者以來役賦轉重獄犴日結百姓困擾甘亂者多小人
愚嶮共相扇惑雖勢無所至然不可不慮微洪範傳君
道虧則日蝕人憤怒則水涌溢陰氣積則下代上此微
理潛應已著實於事者也假令臣遂不幸謬中必貽陛
下側席之憂今皇孫載育天固靈基黔首顒顒實望惠

潤又歲涉午位金家所忌宜於此時崇恩布澤則火氣
潛消災譴不生矣陛下上承天意下順物情可因皇孫
之慶大赦天下然後明罰勅法以肅理官克厭天心慰
塞人事兆庶幸甚禎祥必臻矣臣今所陳贅而省之或
未允聖旨久而尋之終亮臣誠若所啟上合願陛下勿
以臣身廢臣之言臣言無隱而陛下納之適所以顯君
明臣直之義耳

平刑疏

臣聞上古象刑而民不犯中古明刑以致刑措故立刑以禁刑立殺以去殺重之以死所以求其生峻之以刑所以輕其死死由於法輕生存乎法重此立防之成標也然則刑無輕重用之唯平非平法之為難思在斷之為難是以子臯行戮則者忘痛釋之典刑民無怨色何者積之於誠也按癸酉詔書之旨專為邊城實之裔土濟當時一切之用非為經遠之法亦是中夏全平之時威御足指控制故可得行之矣欲役無賴子弟驅不逞

之人聚之於室荒四維之地將以扞固牧圉未見其利也且濱接鯨猾密邇姦蘖退未絕其丘窟之顧進無以塞其逋逃之門五流三居誠古之犯刑論之於今事實難行且律令以跨三代歷載所遵未易輕改者也是以刑法不專則名幸者興政令驟變則人志無繫子產患其如此故矯先王議事之制而立刑書之辟皆所以弼民心而正羣惑者也

彈任谷疏

任谷所為妖異無有因由陛下玄鑒廣覽欲知其情狀引之禁內供給安處臣聞為國以禮正不聞以奇邪所聽惟人故神降之吉陛下簡默居正動遵典刑按周禮奇服怪人不入宮况谷妖詭怪人之甚者而登講肆之堂審邇殿省之側塵黜日月穢亂天聽臣之私情竊所以不取也陛下若以谷信為神靈所憑者則應敬而遠之夫神聰明正直接以人事若以谷為妖蠱詐妄者則當投畀裔土不宜令褻近紫闈若以谷或是神祇告譴

為國作青者則當克已修禮以弭其妖不宜令谷安然
自容肆其邪變也臣愚以為陰陽陶蒸變化萬端亦是
狐狸魍魎憑陵作惡願陛下採臣愚懷特遣谷出臣以
人乏忝荷史任敢忘直筆惟義是規

禁蒞疏

不宜禁蒞地禮云名山大澤不封蓋欲以民通財共利
不獨專之也

表

辭尚書表

今當以劣弱之質充督責之官以無用之才管繁劇之任

序

山海經序

世之覽山海經者皆以其闕誕迂誇多竒怪倣儻之言
莫不疑焉嘗試論之曰莊生有云人之所知莫若其所
不知吾於山海經見之矣夫以宇宙之寥廓羣生之紛
紜陰陽之煦蒸萬殊之區分精氣渾淆自相瀆薄遊魂

靈恠觸象而構流形於山川麗狀於木石者惡可勝言乎然則總其所以乖鼓之於一響成其所以變混之於一象世之所謂異未知其所以異世之所謂不異未知其所以不異何者物不自異待我而後異異果在我非物異也故胡人見布而疑賡越人見蜀而駭毳夫觀所習見而竒所希聞此人情之常蔽也今略舉可以明之者陽火出於冰水陰鼠生於炎山而俗之論者莫之或恠及談山海經所載而咸恠之是不恠所可恠而恠所

不可恠也不恠所可恠則幾於無恠矣恠所不可恠則
未始有可恠也夫能然所不可不可所不可然則理無
不然矣案汲郡竹書及穆天子傳穆王西征見西王母
執壁帛之好獻錦組之屬穆王享王母於瑤池之上賦
詩往來辭義可觀遂襲崑崙之丘遊軒轅之宮眺鍾山
之嶺玩帝者之寶勒石王母之山紀迹玄圃之上乃取
其嘉木豔草奇鳥恠獸玉石珍瑰之器金膏燭銀之寶
歸而殖養之於中國穆王駕八駿之乘右服盜驪左騶

騄耳造父為御奔戎為右萬里長驚以周歷四荒名山
大川靡不登濟東升大人之堂西燕王母之廬南轅
鼉之梁北躡積羽之衝窮歡極娛然後旋歸案史記說
穆王得盜驪騄耳驊騮之驥使造父御之以西巡守見
西王母樂而忘歸亦與竹書同左傳曰穆王欲肆其心
使天下皆有車轍馬跡焉竹書所載則是其事也而譙
周之徒足為通識瑰儒而雅不平此驗之史考以著其
妄司馬遷叙大宛傳亦云自張騫使大夏之後窮河源

惡覩所謂崑崙者乎至禹本紀山海經所有怪物余不敢言也不亦悲乎若竹書不潛出於千載以作徵於今日者則山海之言其幾乎廢矣若乃東方生曉畢方之名劉子政辨盜械之尸王頎訪兩面之客海民獲長臂之衣精驗潛効絕代懸符於戲羣惑者亦可以少寤乎是故聖皇原化以極變象物以應恠鑒無滯蹟曲盡幽情神焉廋哉神焉廋哉蓋此書跨世七代歷載三千雖暫顯於漢而尋亦寢廢其山川名號所在多有舛謬與

今不同師訓莫傳遂將湮泯道之所存俗之所喪悲夫
余有懼焉故為之創傳疏其壅閼闢其第蕪領其玄致
標其洞涉庶幾今逸文不墜於世竒言不絕於今夏后
之迹靡刊於將來八荒之事有聞於後裔不亦可乎夫
翳薈之翔巨以論垂天之凌蹄涔之遊無以知絳虬之
騰鈞天之庭豈伶人之所躡無航之津豈蒼兕之所涉
非天下之至通難與言山海之義矣嗚呼達觀博物之
客其鑒之哉

爾雅序

夫爾雅者所以通詁訓之指歸叙詩人之興詠總絕代之離詞辨同實而殊號者也誠九流之津涉六藝之鈐鍵學覽者之潭奧摘翰者之華苑也若乃可以博物不惑多識於鳥獸草木之名者莫近於爾雅爾雅者蓋興於中古隆於漢氏豹鼠既辨其業亦顯英儒瞻聞之士洪筆麗藻之客靡不欽玩耽味為之義訓璞不揆擣味少而習焉沈研鑽極二九載矣雖註者十餘然猶未詳

備並多紛謬有所漏略是以復綴集異聞會稗舊說考
方國之語采謠俗之志錯綜樊孫博聞羣言剔其瑕礫
舉其蕭根事有隱滯援據徵之其所易了闕而不論別
為音圖用祛未寤輒復擁鑿清道企望塵躅者以將來
君子為亦有涉乎此也

方言序

蓋聞方言之作出乎輶軒之使所以巡遊萬國采覽異
言車軌之所交人迹之所蹈靡不畢載以為秦籍周秦

之季其業隳廢莫有存者暨乎揚生沉淡其志歷載構綴乃就斯文是以三五之篇著而獨鑒之功顯故可不
出戶庭而坐照四表不勞疇咨而物來能名考九服之
逸言標六代之絕語類摘詞之指韻明乖途而同致辨
章風謠而區分曲通萬殊而不雜真洽見之奇書不刊
之碩記也余少玩雅訓旁味方言復為之解觸事廣之
演其未及摘其謬漏庶以燕石之瑜補琬琰之瑕俾後
之瞻涉者可以廣寤多聞爾

設難

客傲

客傲郭生曰玉以蕪城為寶士以知名為賢明月不妄
映蘭葩豈虛鮮今足下既以拔文秀於叢薈蔭弱根於
慶雲陵扶搖而竦翮揮清瀾以濯鱗而響不徹於九臯
價不登乎千金傲岸榮悴之際頡頏龍魚之間進不為
諧隱退不為放言無沈冥之韻而希風乎嚴光徒費思
於錯咏募洞林乎連山尚何名乎夫攀驪龍之髯撫翠

禽之毛者而不得絕霞肆跨天津者未之前聞也郭生
粲然而笑曰鷦鷯不可與論雲翼井蛙難與量海黿雖
然將祛子之惑訊以未悟其可乎乃者地維中絕乾光
墜采皇運暫回廓祚淮海龍德時乘羣才雲駭藹若御
林之會逸翰爛若溟海之納奔濤不煩咨嗟之訪不假
蒲帛之招羈九有之奇駿咸總之於一朝豈惟豐沛之
英南陽之豪昆吾挺鋒驪駟軒髦杞梓競敷蘭茝爭翹
嚶聲冠於伐木援類繁乎拔茅是以水無浪士巖無幽

人刈蘭不暇爨桂不給安事錯薪乎且夫窟泉之潛不思雲翬熙冰之采不羨旭晞混光曜於埃藹者亦曷願滄浪之深秋陽之映乎登降紛於九五淪湧懸乎龍津蜎蜎以不才陸稿蟒虵以騰驚暴鱗連城之寶藏於褐裏三秀雖豔靡於麗采香惡乎芬賈惡乎在是以不塵不冥不驪不騁支離其神蕭悴其形形廢則神王迹麗而名生體全者為犧至獨者不孤傲俗者不得以自得默覺者不足以涉無故不恢心而形遺不外累而智喪

無巖穴而冥寂無江湖而放浪玄悟不以應機洞鑒不以昭曠不物物我我不是是非非忘意非我意得意非我懷寄羣籟乎無象域萬殊於一歸不壽殤子不夭彭涓不壯秋毫不小太山蚊蚋與天地齊流蜉蝣與大椿齒年然一闔一開兩儀之迹一冲一溢懸象之節渙沍期於寒暑凋蔚要乎春秋青陽之翠秀龍豹之委穎駮狼之長暉玄陸之短景故臯壤為悲欣之府蝴蝶為物化之器矣夫欣黎黃之音者不顰蟋蟀之吟豁雲臺之

觀者必悶帶索之歡縱蹈而詠採薺擁壁而歎抱關戰
機心以外物不能得意於一弦悟往復於嗟歎安可與
言樂天者乎若乃莊周偃蹇於漆園老萊婆娑於林窟
嚴平澄漠於塵肆梅真隱淪乎市卒梁生吟嘯而矯迹
焦先混沌而槁杌阮公昏酣而賣傲翟叟遯形以倏忽
吾不幾韻於數賢故寂然玩此員策與智骨

哀策文

晉元帝哀策文

永惟殿宇之廓寂悲彞奠之莫歆感鸞輅之晏駕哀衮
裘之委衿痛聖躬之遐往長淪景於太陰乃作策曰王
之不極百六作艱鴉集瓊林鯨躍神淵懷愍失據海覆
岳顛蠢蠢六合罔不倒懸靈慶有底見龍在田誰其極
哉我后先天大人承運重明繼作撫征淮海駿命再廓
仁風旁靡神化潛鑠處沖思挹居簡行約聖敬日邁玄
心逾漠用物與能總攬羣略林無滯才山無遺錯恩靡
不懷化靡不被茫茫海域欸塞慕義萬里同塵罔匪王

隸熙熙遺黎莫知其寄括終宇宙混同天地曰功永年
曰德慶隆奈何氛厲奄集聖躬大業未恢皇齡未中天
惜其景崑頤其崇筑筑小子藐藐孤沖靡天何戴靡地
何憑恍惚極慕若存若終蔑焉無聞廓焉長寂聆音靡
睇瞻顏失覲窮號曷訴叩心誰告何悲之哀何痛之酷
嗚呼我皇逢天之戚嗚呼哀哉眇然升遐即安玄室煌
煌火龍赫赫朱輅終焉永潛曷其有出明訓長絕小子
何述望阜增歔臨崩慟慟哀兼陟方痛過遏密靈爽安

之反真復質永合元漠終始得一

漢魏六朝百三家集卷五十六